



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Eucharistia quid sit, & cur instituta à Christo. tit. 117

urn:nbn:de:hbz:466:1-29452

et non consecrant sacramentum: sed quoniam in
Missa est memoria passionis Christi, scilicet, quomo-
do tractatus est, id est, ligatus in horto, id significat
stola, manipulu, vestis alba Herodis Praterca Pilati
casula, &c. ob maiorem deuotionem & reuerentiam
erigendam, hec fiunt. Derisit olim Michol Dauid,
2 Reg 6. Ideo mansit sterilis &c. Non ergo superua-
canea sunt.

*EUCHARISTIA QUID SIT,
& cur instituta à Christo.*

TITVLVS CXVII.

Eucharistiæ sacramentum est verum &
vium & non amplius mortale corpus
& sanguis Christi, adunitum cum diui-
nitate, sub specie panis & vini.

Primò, immortale corpus, Roman. 6. Amplius non
moriatur. Ideò Apostolis dedit Christus mortale cor-
pus in cena antequàm fuit mortuus. At nos iam ta-
le corpus Christi accipimus, quale post resurrectionē
habet glorificatum, & ad dextram patris sedens.

Secundò, verum corpus: non enim est hic figura
vel signum corporis & sanguinis Christi, sed inquit
Marth 26. Hoc est corpus meum, &c. Non dicit, est si-
gnam vel dimidiū panis, & dimidium corporis, sed,
Hoc est corpus meum &c.

Tertiò, viuum corpus, sicut iam Christus corpo-
re & sanguine verè viuit ad dextram patris, Marc. vl-
timo. Ideo sicut sanguis iam à corpore in cœlo non
potest separari, sic est in sacramento. Ideo sanguis
cum corpore coniunctim & simul accipitur à com-
municante: ideo dicitur corpus. Nam sanguis dum
est separatus à corpore, corpus non dicitur corpus,
sed cadauer. At vocat Paulus 1. Corinth. 11. corpus
Domini, &cæt,

Vu . Quartò,

Quartò, Cùm diuinitate vnitum. Vbi est Christi corpus, ibi est etiam diuinitas, & sunt inseparabiles hæ duæ naturæ in Christo. Est Christus vnica persona, quæ ytranque naturam habet, diuinam & humanam, sicut vnus truncus habet duos ramos profertes duplicem fructum, pomâ & pira, & ytrunque dicit potest, Hæc arbor est pomus, &, Hæc arbor est pira, est tamen vnus truncus. Sic Christus Deus & homo, & tamen vnica persona: & licet quælibet natura habet suam proprietatem, attamen hic est communio ideo quod de vna natura dicitur, & de altera dicitur, propter communionem: Sic homo patitur, sic Deus patitur. Qui ergo soluit Christum, soluit diuinitatem ab humanitate, hic ex Deo non est, 1. Ioan. quæto. Ergo in sacramento diuinitas est vnita cum humanitate, ob id etiam adoramus sacramentum.

Quintò, hoc sacramentum continetur sub speciebus panis & vini: solùm species videntur: substantia autem panis & vini non manet, sed mutatur in verum corpus & sanguinem Christi, sicut aqua in baptisij virtute Christi fuit omninò mutata substantialiter in vinum. Non simul aqua & vinum manet, Ioann. 20. Ideo panem non adoramus, quia ibi panem manere negamus: nec corpus solum adoramus, sed diuinitatem adiunctam & inseparabilem, Ioan. 20. inquit Thomas: Dominus meus, & Deus meus. Has conditiones credit Ecclesia Catholica de venerabili sacramento. Ergo qui in aliqua istarum dubitat, hic peccat & errat, & cæt. Hoc autem noui Berengariste non credunt, id est, transsubstantiationem, deitatem & concomitantiam & cæt. ideo peccant, sic non dicit CRISTVS post consecrationem, Hic panis est corpus meum: sed simpliciter, Hoc est corpus meum, Matt. 26.